



Na osnovu člana 22 Statuta Brčko distrikta Bosne i Hercegovine – prečišćeni tekst (Službeni glasnik Brčko distrikta BiH, broj 2/10), Skupština Brčko distrikta BiH, na 60. redovnoj sjednici, održanoj 11. marta 2020. godine, usvaja

ZAKON O IZMJENAMA I DOPUNAMA ZAKONA O TURISTIČKOJ DJELATNOSTI BRČKO DISTRIKTA BOSNE I HERCEGOVINE

Član 1

U Zakonu o turističkoj djelatnosti Brčko distrikta Bosne i Hercegovine (Službeni glasnik Brčko distrikta BiH, brojevi: 03/06 i 19/07) član 3 mijenja se i glasi:

„Član 3

- (1) Turističku djelatnost mogu obavljati pravna lica i preduzetnici koji izvrše upis u sudski registar, kao i fizička lica koja nisu upisana u sudski registar kao preduzetnici (u daljnjem tekstu: građanin), a koji ispunjavaju propisane uslove za obavljanje djelatnosti, u skladu sa ovim zakonom i drugim propisima.
- (2) Pravna lica i preduzetnici mogu otpočeti obavljati djelatnosti, mijenjati djelatnost i uslove obavljanja djelatnosti, nakon registracije djelatnosti kod registarskog suda.
- (3) Prilikom registracije djelatnosti kod registarskog suda pravna lica i preduzetnici su dužni podnijeti Izjavu o ispunjenosti propisanih uslova za obavljanje djelatnosti, u skladu s ovim zakonom i drugim propisima (u daljnjem tekstu: Izjava).
- (4) Izjava se može podnijeti u elektronskom obliku, u skladu s propisima o elektronskom dokumentu i propisima o elektronskom potpisu.
- (5) Izuzetno od stava 3 ovog člana, pravna lica i preduzetnici, koji su registrovani na području drugog nadležnog registarskog suda, a čije se sjedište podružnice nalazi na području Brčko distrikta Bosne i Hercegovine, mogu otpočeti obavljanje djelatnosti nakon što podnesu Izjavu Odjeljenju za privredni razvoj, sport i kulturu (u daljnjem tekstu: nadležno odjeljenje).
- (6) Ispunjenost uslova iz stava 3 ovog člana utvrđuju nadležne inspekcije u redovnom inspekcijskom pregledu.
- (7) Izgled i sadržaj Izjave, kao i način njenog podnošenja, pravilnikom propisuje šef nadležnog odjeljenja.

Član 2

U članu 4 stavu 1 tački f) iza riječi: „posluju“ brišu se riječi i umjesto zareza stavlja tačka-zarez.

U stavu 2 riječi: „šef Odjeljenja za privredni razvoj, sport i kulturu (u daljnjem tekstu:“ brišu se, a poslije riječi: „odjeljenja“ briše se zagrada.

Član 3

U članu 19 stavu 1 riječ: „građanin“ zamjenjuje se riječju: „lice“, a riječ: „koji“ u istom stavu u tačkama a) do f) zamjenjuje se riječju: „koje“.

Član 4

U članu 23 stavu 2 riječi: „Odjeljenja za privredni razvoj, sport i kulturu (u daljnjem tekstu:“ brišu se, a poslije riječi: „odjeljenja“ briše se zagrada.

Član 5

U članu 30 stavu 1 iza riječi: „odjeljenja“ brišu se riječi: „Brčko distrikta BiH“.

Član 6

U članu 45 stav 2 mijenja se i glasi:

„(2) Turističke usluge iz stava 1 ovog člana može pružati član seoskog domaćinstva koji ispunjava uslove za obavljanje djelatnosti pružanja ugostiteljskih usluga u seoskom domaćinstvu, u skladu sa zakonom koji uređuje oblast ugostiteljske djelatnosti.“

Član 7

U članu 46 stavu 2 riječi: „za koji je rješenjem nadležnog organa utvrđeno da” zamjenjuju se riječju: „koji”.

Član 8

U članu 52 stavu 1 riječi: „Odjeljenja za javnu sigurnost“ zamjenjuju se riječima: „nadležnog odjeljenja“.

Član 9

U članu 54 stavu 1 riječi: „Odjeljenje za javnu sigurnost“ zamjenjuju se riječima: „nadležno odjeljenje“.

U stavu 2 riječi: „Odjeljenja za javnu sigurnost“ zamjenjuju se riječima: „nadležnog odjeljenja“.

Član 10

U članu 55 stavu 1 tački a) riječi: „Odjeljenju za javnu sigurnost“ zamjenjuju se riječima: „nadležnom odjeljenju“.

U stavu 2 riječi: „Odjeljenje za javnu sigurnost“ zamjenjuju se riječima: „nadležno odjeljenje“.

Član 11

U članu 58 stavu 1 riječi: „Odjeljenja za javnu sigurnost“ zamjenjuju se riječima: „nadležnog odjeljenja“.

Član 12

U članu 63 stav 1 mijenja se i glasi:

„(1) Inspektor će rješenjem zabraniti obavljanje turističke djelatnosti pravnom licu ili preduzetniku ako se turistička djelatnost obavlja:

- a) bez prethodne registracije djelatnosti kod registarskog suda (član 3 stav 2), odnosno suprotno podnesenoj Izjavi (član 3 stav 3);
- b) bez Izjave iz člana 3 stava 5 ovog zakona odnosno suprotno podnesenoj Izjavi.”

Član 13

Član 66 mijenja se i glasi:

„Član 66

(1) Novčanom kaznom u iznosu od 3.000 do 30.000 KM kaznit će se za prekršaj pravno lice ili preduzetnik ako:

- a) obavlja turističku djelatnost, a nije izvršilo upis u sudski registar (član 3 stav 1),

b) obavlja djelatnost bez prethodnog podnošenja Izjave odnosno podnese neistinitu Izjavu (član 3 stav 5).

(2) Za prekršaj iz stava 1 ovog člana kaznit će se odgovorno lice u pravnom licu novčanom kaznom od 300 do 1.500 KM.“

Član 14

U članu 67 stavu 1 u tački f) nakon riječi: „posluje“ brišu se riječi: „odnosno ne istakne tačan naziv koji mu stoji u rješenju o ispunjenju uslova za obavljanje djelatnosti”.

U tački l) riječi: „Brčko distrikta BiH“ brišu se.

Član 15

U članu 71 stavu 1 tački a) riječi: „Brčko distrikta BiH“ brišu se.

U tački g) riječi: „Vlade Brčko distrikta BiH“ brišu se.

Član 16

U članu 75 iza stava 1 dodaje se novi stav 2 koji glasi:

„(2) Rok za donošenje pravilnika iz člana 3 stava 7 ovog zakona je 30 dana od dana stupanja na snagu ovog zakona.“

Dosadašnji stav 2 briše se.

Član 17

Postupci registracije djelatnosti, mijenjanja djelatnosti i uslova obavljanja djelatnosti, započeti prije stupanja na snagu ovog zakona, završit će se prema odredbama Zakona o turističkoj djelatnosti Brčko distrikta Bosne i Hercegovine (Službeni glasnik Brčko distrikta BiH, brojevi: 03/06 i 19/07).

Član 18

Ovaj zakon stupa na snagu osmog dana od dana objavljivanja u Službenom glasniku Brčko distrikta Bosne i Hercegovine, a počinje se primjenjivati od dana početka primjene pravilnika iz člana 3 stava 7 ovog zakona, **a početak će se primjenjivati od 1. 1. 2021. godine.**

Broj: 01-02-817/20

Brčko, 11. 3. 2020. godine

**PREDSJEDNIK
SKUPŠTINE BRČKO DISTRIKTA BiH
Esed Kadrić**